



Broj: 04 – 1 - 53 /20
Sarajevo: 15. 01. 2020. god

Vijeće Fakulteta

Na osnovu član 135. Zakona o visokom obrazovanju ("Službene novine kantona Sarajevo" br. 33/17) i člana 104. Statuta Univerziteta u Sarajevu, Vijeće Fakulteta zdravstvenih studija Univerziteta u Sarajevu na svojoj 14. Sjednici održanoj 15. 01. 2020. godine donosi

ODLUKU

*o usvajanju Poslovnika o radu Vijeća III ciklusa studija
Fakulteta zdravstvenih studija Univerziteta u Sarajevu*

I

Usvaja se Poslovnik o radu Vijeća III ciklusa studija Fakulteta zdravstvenih studija Univerziteta u Sarajevu.

II

Odluka stupa na snagu danom donošenja.

Dekan

Prof. dr. Arzija Pašalić



Na osnovu člana 135. Zakona o visokom obrazovanju Kantona Sarajevo (Službene novine Kantona Sarajevo, broj: 33/17) , člana 104. Statuta Univerziteta u Sarajevu, člana 8. stav (11) Pravila studiranja za treći ciklus studija na Univerzitetu u Sarajevu, Prijedloga vijeća III ciklusa studija Fakulteta zdravstvenih studija Univerziteta u Sarajevu br. 04-7-844/19 od 07. 06. 2019. godine, Vijeće Fakulteta na 14 sjednici, održanoj 15. 01. 2020. godine donosi

POSLOVNIK

o radu Vijeća doktorskog studija/Vijeća III ciklusa studija na Fakultetu zdravstvenih studija Univerziteta u Sarajevu

I OPŠTE ODREDBE

Član 1.

Poslovníkom o radu Vijeća doktorskog studija uređuje se način rada Vijeća trećeg ciklusa studija Fakulteta zdravstvenih studija Univerziteta u Sarajevu, a naročito:

- Sastav vijeća,
- Nadležnost
- Način sazivanja sjednica,
- Utvrđivanje dnevnog reda,
- Predsjedavanje
- Tok sjednice
- Odlučivanje i
- Vođenje zapisnika (u daljem tekstu Vijeće trećeg ciklusa studija).

II ORGANIZACIJA I SASTAV VIJEĆA

Član 2.

- 1) Članove Vijeća doktorskog studija bira Vijeće Fakulteta na prijedlog Dekana Fakulteta. Izborni period je četiri godine.
- 2) U sastav Vijeća Fakulteta ulaze Prodekan za treći ciklus studija, nositelji obaveznih i izbornih predmeta, rukovodioci studija i sekretar vijeća, ali sekretar nema pravo glasa.
- 3) Nositelji nastavnog i istraživačkog procesa na trećem ciklusu moraju imati najmanje pet radova publiciranih u časopisima koje prate relevantne međunarodne baze iz registra relevantnih naučnih baza podataka koji propisuje nadležno tijelo.
- 4) Vijeće studija bira predsjednika vijeća studija iz reda nastavnika u zvanju vanrednog ili redovnog profesora na period od četiri godine.

III NADLEŽNOST

Član 3.

Vijeće doktorskog studija/vijeće III ciklusa (u daljnjem tekstu: vijeće studija) je stručno vijeće organizacione jedinice/organizacionih jedinica nositelja studija.

- 1) Vijeće doktorskog studija je stručno tijelo nositelja studija koje rukovodi trećim ciklusom studija, u skladu sa Zakonom, Statutom Univerziteta i Pravilima studiranja za treći ciklus studija na Univerzitetu u Sarajevu i odgovoran je za njegovo nesmetano funkcioniranje.

- 2) Vijeće studija vodi računa o zastupljenosti pojedinih modula tako da osigura određeni odnos između obaveznih i izbornih modula
- 3) Vijeće studija imenuje komisiju za upis studenata na treći ciklus studija, iz reda nastavnika studija koji se organizira
- 4) Vijeće studija potvrđuje temu doktorske disertacije
- 5) Vijeće studija rješava sva pitanja koja se odnose na organizaciju i tok studiranja, te predlaže odluke koje donose stručno tijelo Univerziteta i vijeće Fakulteta, a u vezi su sa studijem (komisije, donošenje odluka o prolongiranju rokova, izmjeni mentora i sl.)
- 6) Vijeće studija je nadležno za obavljanje i drugih poslova u skladu sa Statutom i Pravilima studiranja za treći ciklus studija Univerziteta u Sarajevu.

IV RAD VIJEĆA

Član 4.

- 1) Vijeće studija bira predsjednika Vijeća studija u skladu s članom 2.4). ovog Poslovnika
- 2) Predsjednik Vijeća studija je ujedno i rukovodilac Vijeća
- 3) Predsjednika Vijeća potvrđuje dekan organizacione jedinice i Vijeće Fakulteta
- 4) Vijeće studija počinje sa radom najkasnije 90 dana prije ustrojavanja i izvođenja III ciklusa

V SAZIVANJE SJEDNICA

Član 5.

Sjednice Vijeća mogu biti redovne, vanredne i tematske. Sjednice Vijeća studija saziva i njima rukovodi predsjednik, a u slučaju njegove odsutnosti član Vijeća koga ovlasti predsjednik. Sjednice Vijeća se sazivaju u pismenom ili u elektronskom obliku - putem e-maila. Vrijeme održavanja sjednice i dnevni red predlaže predsjednik, odnosno, u slučaju odsutnosti, ovlašteni član Vijeća. Dnevni red se usvaja na početku sjednice većinom glasova prisutnih članova Vijeća. Svaki član Vijeća trećeg ciklusa studija ima pravo da predlaže izmjene i dopune dnevnog reda, ali uz prethodno datu pisanu saglasnost Predsjednika Vijeća. U opravdanim slučajevima, Predsjednik Vijeća može sazvati sjednicu Vijeća telefonski i/ili elektronskim putem.

VI POZIV I MATERIJAL ZA SJEDNICU

Član 6.

Poziv kao i pisani materijal za sjednicu Vijeća, dostavlja se najmanje 3 dana prije održavanja sjednice u pisanom ili u elektronskom obliku - putem e-maila. Materijal za sjednicu se naknadno može dostaviti uz saglasnost predsjednika Vijeća studija a u izuzetnim slučajevima, može biti predan na samoj sjednici, također uz saglasnost predsjednika Vijeća o čemu će članovi Vijeća biti prethodno obavješteni.

Materijal za elektronsku sjednicu Vijeća dostavlja se elektronskim putem. Odluka se smatra usvojenom ako se o njoj pozitivno izjasni većina od ukupnog broja članova Vijeća, što se dokazuje elektronskim ispisom pojedinačnog izjašnjenja članova Vijeća.

Član 7.

Svi članovi Vijeća dužni su prisustvovati sjednici Vijeća. U slučaju opravdane spriječenosti, član Vijeća je dužan o tome obavijestiti Predsjednika Vijeća.

Poziv za sjednicu Vijeća trećeg ciklusa studija, obavezno sadrži:

1. oznaku (redni broj) sjednice
2. dnevni red sjednice
3. mjesto i datum održavanja i vrijeme početka sjednice
4. potpis lica koje saziva sjednicu.

Uz poziv za sjednicu se u pravilu dostavlja i zapisnik sa prethodne sjednice Vijeća trećeg ciklusa studija.

VII ODRŽAVANJE REDA NA SJEDNICI

Član 8.

Za održavanje reda na sjednici odgovoran je predsjednik. Članovi Vijeća dužni su pridržavati se predmeta rasprave i vremena predviđenog za izlaganje.

U slučaju povrede reda na sjednici Vijeća, predsjednik može izreći opomenu i oduzeti riječ svakome ko se ne pridržava reda, a za težu povredu reda član Vijeća može biti udaljen sa sjednice. Opomena se izriče licu koje svojim ponašanjem ili govorom narušava red i koje se ne pridržava dnevnog reda ili odredaba Poslovnika o radu Vijeća. Izrečene mjere unose se u zapisnik.

VIII ODLUČIVANJE

Član 9.

Predsjedavajući otvara sjednicu Vijeća trećeg ciklusa studija. Za održavanje sjednice Vijeća neophodan je kvorum koji čini natpolovična većina svih članova Vijeća ($1/2 + 1$ član). U slučaju da nije postignut kvorum, sjednica se odlaže za naredni put.

Član 10.

Odluke Vijeća donose se prostom većinom glasova svih prisutnih članova. O precizno obrazloženim prijedlozima i dopunama dnevnog reda članovi Vijeća izjašnjavaju se javnim glasanjem o svakom prijedlogu pojedinačno. Predložena izmjena ili dopuna dnevnog reda je usvojena, ako se za nju izjasni natpolovična većina od ukupnog broja članova Vijeća trećeg ciklusa studija.

Ako je na jednu predloženu tačku dnevnog reda stavljeno više prijedloga, tada se glasa za svaki dati prijedlog pojedinačno, onim redom kojim su prijedlozi stavljeni. Prihvaćen je prijedlog za koji se izjasnila natpolovična većina od ukupnog broja članova Vijeća trećeg ciklusa studija. Ukoliko nema primjedbi na dnevni red ili dopuna dnevnog reda, odnosno ako se ne usvoje predložene izmjene ili dopune dnevnog reda, dnevni red se usvaja javnim glasanjem.

IX ODLUKE I ZAKLJUČCI

Član 11.

Usvojene odluke i zaključci koje čine sastavni dio zapisnika sjednice Vijeća, dostavljaju se licima koja su dužna da ih sprovedu u roku od 7 dana, od dana održavanja sjednice.

Član 12.

O radu Vijeća sekretar vodi zapisnik, koji se čuva u arhivi Fakulteta. Zapisnik sjednice potpisuju sekretar i Predsjednik Vijeća.

Član 13.

Odredbe Poslovnika dužni su da poštuju svi članovi Vijeća, kao i ostala lica koja prisustvuju sjednicama.

Dekan

Prof. dr. Arzija Pašalić



